

岱海堂文集

初編
自三至四

16
1014
2



門八和16
卷 2



岱海堂文集初編卷之三

越后（印）市島肅文敬季著

姪處德大美輯校

七言律

兄弟四人俱游山邨有記出于某部元昆以目疾故不在此行

相逢兄弟自相憐游去山邨搖落天日短
幽遐催晚氣秋高絕遠敞寒煙樵蘇來往林丘裏
鳧雁徊翔湖水邊大謝頻年無用屐服裘閑室獨淒然

湖邊口號

連峯白雪前巒樹春水滄茫十里湖樵路從來潛走
鬼漁舟蕩漾起栖鳧稍晴縹邃微雲霧看進行程長
畫圖今日先塋終謁返許多風勝切桑榆

會醉卧夢三鷹

酩酊今宵無所思草堂高卧夢魂移三鷹映帶青雲
上連翹回翔蒼海湄楚澤飛霜振猛氣齊原落木展
雄姿制鵬何處承恩愛覺寤寧應與爾期

丁巳閏七月五日夜小集客去後聞鶴唳

茅廬小集卒棋歸半夜相傳有鳥飛七月鴻音猶未
發三秋鶴唳亦應稀遙聞仙律過霄漢只見天文肅
瑣闌慙憾園中一筵地斯須茲與故人違

咏蟻

石根盛夏古槐秋絡繹玄駒鹵簿絳捐讓周旋如髮
道道遙隱遁似眉丘王城坐倨南柯郡鰲嶽往觀東
海流儻使卿無孤竹役齊軍苦渴不堪憂

寄醫飯田某

有序

肅文小人恭聞出羽州米澤餐霞老侯之盛德

久矣以侯之上祖為越侯故越民至于今追懷
今茲平洲紀先生自尾藩至米澤是侯有禮于
請之尾公乎文又聞尾州有紀先生亦久矣然
侯之侍醫飯田某寫平洲所作為於其都之什
以贈諸我兄景茂文得俄然矚近作驚喜誦之
謠之而賞其大國洋洋之音不堪歡抃因賦律
三首以與景茂謝高誼俱寄焉

越民猶憶古諸侯退讓誰知魯隱流米澤嘉禾垂境
裡龜罔靈草滿城頭招賓共醉餐霞興贊雁遙謠出

羽遊聞道柴胡梁父鬱國中賢者亦成疇

暗投文彩夜光哉原自隋侯宮裏來好事遙思揚子
客禁方深慕越人才更移寒雨誰含醴冬至風雲獨
侍臺一世龍門未難得知君努力脫塵埃

侯寵老成猶未還宛然文物幾人閑梁園賞雪千重
壁楚閣觀雲萬仞山烏帽寒嚴翳素髮玉盃春穩照
朱顏依君傳語高梧下越羽相隣豈易班

酬米澤青岡代飯田某答吾儕三人作三首共

次韻

卓犖雄辭故不羣，微音百里辱慙慙。越陰春響黃鸝
轉，羽土時傳彩鳳文。北上江舟寒海氣，東行驛路遶
山雲。篇中見說烟霞疾，遊歷何年此待君。

應知恬靜子雲家，玄白解高猶不譁。昔著麤裘游版
谷，朝回竹笏謁餐霞。從來雙鯉山流遠，多少連鴻海
日斜。別有尋常污瀆在，桃花水艷爲誰誇。

商羽初聞郢裡才，數篇高唱調崔嵬。舳艫天暖吳江
陝，冰雪春闌蜀棧開。雖是深山如豹出，何爲絕海伴
鷗來。仍懷舊土遙臻信，便道相逢販楚材。

酬米澤川子琴代人答作次韻

更望東方淑氣開，羽州春色意悠哉。于今碣石謀存
館，幾歲高唐夢侍臺。疎懶空遊荒竹質，芬芳堪寄賦
梅才。苦憐千里新知已，愁呂誰先命駕回。

酬米澤平勤代人答作次韻

生平自負市中廬，地按山山樂有餘。湖海應知堪短
褐，樓臺不解曳長裾。委塵交易人恆滿，避世風流客
自虛。貴賤相知何所利，木瓜賒得一瓊琚。

呈米澤提學神保某借其寄鷹見氏韻

羽檄曾思勝國年，只今唯書健雲煙。春霞朝日看遙切，過雁流鶯聽轉憐。萬里無為投筆俊，一方頻識下帷賢。自依經典兼風雅，東土詩歌復幾傳。

全借其送田生韻

云云園臺共在米澤城

濟濟賢良本得君，仁風千里遠相聞。紫霞園闢昇佳氣，白鶴臺成動瑞雲。通信關山愁絕特，結交齊魯恨離羣。就中知子臨牛耳，上國詞盟仔細分。

中秋東郭樓次主叟韻

東郭登樓月漸高，文盟此夜復游遨。一樽清席堪相

醉何處，寒砧欲獨擣。霄漢秋遲無渡雁，城頭氣爽有諸豪。主人狂態頻投轄，亦向前流請下醪。

弔熊倉某喪宅卷

悠悠廣柳委塵灰，慘澹秋天望已哉。接路煙雲看自合，會郊風雨代相催。鴛鴦湖上無由見，麋鹿山中不耐哀。月沒嫦娥何處奔，暗然閨帳為誰開。

歸自斥江

斥江朝出海門邊，更促歸舟一櫓翩。沙草秋陰遲白日，河洲物候啟寒煙。風聲遙襲波濤外，雲影面搖蘆

荻前早晚東南入龜瀆故邨峰嶺待悠然

送鑿生齋靜卿之武都

文書十月見衾爐雨雪來辭往武都唯謂老親鄉里
健可憐年少遠方孤河山負笈應聞道阡陌登樓豈
入壺鑿術非傳越人妙越人誰與汝爲徒

賦得浪華賞雪

聞說浪華賞雪難一朝清興萬家看天蹤遷去瑤池
靜霸迹追懷玉墨寒冬日暉光多愛惜曉梅神異恐
摧殘晏朝無那頻消滅好使兒孫斡數丸

雪佛

轉世夷童雪復生休糧丈六使人驚霰封螺髻身先
老冰點毫光眼共清天上雨花觀下界西方積素據
耶城歸真看爲初陽鑠疑是一朝逃聖明

雪玉

朔風凜冽不堪寒底事兒童弄雪丸總角相如懷柱
怒彩衣交甫得珠歡持堅奮擊看將碎示弱遷延尚
未殘爲問三冬書劔業孰教親戚慰加餐

東山看花遇雨

淑氣氤氳樂善春諸天桃李幾回新香臺颯爾濛風
雨淨域蕭然收世塵日暮迷烟台嶺容谷中尋徑武
陵人一羣車馬過山下徐步誰憐折角巾

見浦士粟和東山本覺院慈隱上人登芙蓉作
予亦和之

碧落芙蓉萬象低更飛金錫試攀躋賴朝殘墨星初
落徐福遺碑霧欲迷風洞遠通仙窟古華池高混月
宮齊相傳難擬天台賦安似等閒吟虎溪

豐家十首 有序

滄溟選唐詩曰七言律體諸家所難王維李頎
頗臻其妙蓋唐之盛家琢和璞戶磨純鈎奉詔
凌煙而和鳳聲應制曲池而賡龍吟若夫陪公
譙其賦也羔羊委蛇接賓旅其咏也鹿鳴呦呦
奚翅體效揖讓日觸宏麗耳聽咸韶也口亦飽
大牢是故所感音響節族發自然高華富麗以
風賦比興雅頌唯其所命也然又曰子美篇什
雖衆憤焉自放矣於是焉益知其體裁之難噫
吾儻窮巷雌風動坳堦揚塵豈知蘭臺雄風郢

中白雪乎，一日抽閣記覽豐家功業，奇哉大哉！起奴隸成王霸而偃然，餘威坐席卷海外，震中夏度量愈奇，愈大，雖不會其戰爭全盛之世，權變雄畧赫赫于卷中。曹東阿曰：過屠門而大嚼，雖不得肉，貴且快意，抑移風易俗之樂，何為？殫諳其節奏而感之，是予所以感發屬稿也。卒取從松家至浪華，分諸七言律體序，云：豐家十首詩，世之作家不肯與唐詩論同異。

松家

松家狡黠，一狙顏脫粟朝。三役使艱灑埽，縱橫成壁壘。往來慷慨選河山，垂天自許風雲會。望氣誰知龍虎班，時有非常拚小節。於旗十萬向西關。

山碕

山碕鼓角進旌旄，順逆周旋逐鹿勞。誰計媾兵開國，下逆預知弑賊棄營逃。樞前班列威逾定，席上親疎權枉高。只此英雄難兩立，戎車何處會袁曹。

宿將

宿將勲勞外戚威，一軍精銳帶恩輝。遠征無那華臺，

急長恨難裁雪國非驛後包糧侵不備嶽前揮槊破
重圍迴觀城火巡車騎示武中原護帝畿

南海

南海不知神禹功山河襟帶四邊中宋盟侯伯頻
弱吳會賢豪自翼雄鷁負樓船千里迅鯤漂地軸一
洲空趙佗從此深歸漢莫復天涯動五戎

聚樂

聚樂宸遊輦路清竹梧遙接鳳凰城雁行雲日堯天
色鷁列風流舜殿聲追蓋花林鳴劔佩褰簾月桂濕

簪纓調羹不讓鹽梅美壯麗惟惶白虎名

東征

東征羽檄奮諸州七道遼期關外秋塞上鳴鴻遠水
草城邊哀鹿失林丘戰場何讓三軍主艱險誰乘萬
戶侯一舉功成王霸術分封共割廟堂憂

朝鮮

更伺明季伐朝鮮遙屬舳艫千里船飛檄自言懷日
夢按圖頻進化鵬年風塵已撥三韓地玉帛堪回四
海天當日大盟餘叱咤時時名護震雷傳

芳野

游駕追隨芳野道，山櫻歷亂澗泉流。
風烟幾處開新館，臺榭何年作古丘。
枝上雲光耐持贈，帷前雪片可題留。
杜鵑傳語南朝恨，更使衣冠起舊愁。

醍醐

醍醐岑寂暮春花，眉黛紅裙屬後車。
桃李林巒深翠幙，鴛鴦池沼麗清沙。
繩牀買醉蘭陵酒，茅店問安陽羨茶。
好是樓臺多羽客，飛揚幾處弄烟霞。

浪華

四達雄都束五畿，金城萬里有光輝。
攝津開閣朝廷命，高麗懸軍幕府威。
蘆節秋風鴻雁起，梅花春月雪霜飛。
登臺何限先皇詠，不必繁華著錦衣。

江中望月

載客輕舟尚未回，更迎江月興奇哉。
微雲點綴波瀾裡，爽氣蕭森丘壑隈。
半夜鐘聲烏鵲起，中流櫓響雁鴻催。
何須紅粉操絲管，一片清輝映酒盃。

送田德卿之京

三月桃花發水原離筵數處故人言可憐揚柳辭鄉
里詎避風波渡海門金澤豪華車轂擊石山奇絕馬
蹄繁經遊堪羨西都客遙識絃歌大雅存

河中島懷古

勝國同盟動金言縱橫游說幾人存東西日月浮雲
合南北城關殺氣昏共著袈裟觀下界那揮如意閑
中原回看地理風沙起颯爾猶驚旅客魂

僧鳳山於保寧山顯聖寺為首眾呼未面然應

需賦贈

未交方外問諸天先乞塵寰下里篇顯聖梵聲清喻
法保寧跌坐靜安禪衣珠臨檻承初日香案開窓除
曉烟遙識拈花涅槃後仍含微笑秀羣賢

賀芝田萬巷仲氏四袞

本邦歲四十二六十一祝誕節
鴻沼者芝田奇區

吾家八子對慈明那減當年荀氏榮兄弟無雙鄉曲
譽君臣不仕市中名芝田回郭催佳氣鴻沼開樓傳
逸轍六七相逢壽筵客共迎南極祝長生

寄仲兄景茂

秋來未得醉林泉白屋蕭條霖雨前七郡風雷濛北

海五峰雲日啟南天詩篇俯髀論優劣棋局側身爭
後先誰道吾家擁諸謝臨山折屐復何年

得鶴

日域逍遙萬里行長風矯翅遠空平雲間不辨玄黃
色樓外頻傳律呂聲倦浴瑤池仙液潔逸追華表月
輪明鮑昭園裡聯翩下何限千秋舞鶴榮

雪中訪友人

幽邨大雪絕人行越犬蒼黃道少生冬日光輝經培
塿歲寒松柏倚山城門開鶴鬣神仙興堂邃孤裘君

子榮更使知音履艱險絃歌何得蓄春聲

送某侯就國

大東封植古諸侯千騎裝成萬里秋何厭武昌移建
業是分藩屏滿神州雁行連驛朝暉射虎節開關曉
月流日舉賢良自多暇遙知夜宴憶應劉

夢美人彈箏

恍然幽處玉箏催絕世佳人神妙哉古調繁絃堪自
樂新聲一曲爲誰哀洋洋已響林泉去靡靡忽連鴻
雁來却是仙郎醉鄉夢空令落月照寒梅

蜘蛛

門上雀羅何處設，蜘蛛認得影毵毵。
鞦韆遂渡垣墉北，紡績頻纏屋宇南。
網密鷓鴣朝著翼，居高野馬暮羈駮。
垂來況是懸佳兆，誰道經營不及蠶。

蝙蝠

自知蝙蝠且爲昏，彩鳳庭前欲往論。
明發歸窠休上下，暗投當壁失乾坤。
新籠一未遭人寵，古屋千年厭爾繁。
毛爪相兼比虎翼，簷頭唐突伐飛翻。

題宮人入禪

六宮心緒亂如麻，三界飄焉遁大家。
誰憶蛾眉厭粉黛，豈勝螭首掛袈裟。
變容空鑑清池月，粧色曾爭上苑花。
幾夜寤違金屋夢，梵聲安似奏琵琶。

乙卯歲戲逐疫鬼詞

雨急風寒氣似秋，圍爐四月尚重裘。
民人不憶天廷夢，疫癘堪禁溝澗憂。
橘葉誰家香井水，杏株何處茂林丘。
平明自袞妖氛質，莫暫遲疑駐九州。

松竹咏

蒼松鬱鬱擢青巒，綠竹猗猗俯碧湍。
磊砢遙懸和嶠

質扶疎斜入子猷看，泰山風雨留龍駕。嶰谷，
鳳餐楨幹假令誇，勁節論心空洞此中難。

寒水解魔行

沐水寒鄉俠氣輕，法環遙響解魔聲。裸躬油憤垂冰
到，徒跣繩禪蹂雪行。多祝渾襪多事，危一錢纔聚一
縵，榮壚邊沾獲文君酒。太白翩翩幾箇傾。

答鑿桶士粟病後見寄

白雪春新促和來，人間不那舊塵埃。耽文雖病相如
渴，下藥幸兼扁鵲才。郊外烟霞猶未展，風前門戶不

當開。君今爲羨南方候，擬贈絨中驛使梅。

車駕渡江

殷麟大駕和鑾傳，審蓋華旂水鏡懸。曉氣氤氳千里，
岸流光映帶五雲天。無邊樹色連仙仗，不斷潮聲送
鷁船。鎬讌今非苦，洪蕩何令絲禹鑿江川。

蝶菜歌

綺羅爲葉玉爲根，秋色依然薄故園。羽化頻從莊夢
脫，翼遊時傍伯耕翻。風搖青畝迷蹤迹，日照黃林逐
雨痕。此際梁鴻歌調變，清朝豈有五噫言。

弔浦士栗家萱卷

蕭蕭雨雪暗桑榆下里悠悠廣柳徂
賣鬢頻年留國士斷機千里選都儒
江魚求日冰看解栖鳥鳴晨李自枯
誰弔喪居伺哀毀死生爭讓和王徒

送伯氏金華隱居再治目疾信野

遲日悠悠信野行煙霞千里送春晴
一從湖海生新意復欲洞天尋舊盟
驛路朝分楊柳色關山暮越雁鴻聲
遙知稀世金篦妙忽忽應期日月迎

送澤榮二隱士游佐渡

肥遯春闌試壯遊神仙共向一滄洲
布帆波靜懸空翠金窟雲深隔海流
涉歷看憐開士窟沈淪歎絕帝王憂
煙花到處逢迎切探勝阮劉駐不留

九日觀影戲

慰疾逍遙九日觀到場傀儡一憑欄
齊風未盡岳三爵周禮何為亂百官
袂苑佯狂名妓戲山料誰識情夫看
茱萸不必登高興滿坐陶然此聲歡

雞

蠟屐朱冠錦繡姿如何抽尾匝瑤墀
威名曾被函關

借鳴叫胡驚吳郡為雪厚，追隨翔廈屋日長蒲伏委芳籬羣中有妙堪人語將著窻間復問奇。

芳野懷古十首 有序

國朝之 皇都始於大和和與倭通故稱

大倭猶中華總四方萬國以云夏云殷云周云

秦漢魏晉矣大和有十五郡芳野處其一界南

紀芳野有山云金峯金峯有 皇居之處蓋

皇盤在焉征長髓彥云爾來 帝王之迹往

往接踵暨

後醍醐帝避平安之亂幸于此竟謂之 南朝矣

先是役道士折屐於大嶺闢修道之靈域而其

徒之等級盪觴焉空師日師之輩亦愛其絕遠

擲錫飛空或英雄潛匿忠義死節地理抱百二

之險山嶽奇挺江河清瑩實海內之神秀也况

春則櫻花之色秋則麝麝之聲自 帝王

后妃至匹夫匹婦莫未嘗願一蹈冥奧而彷徨

於陳跡也然予少壯之時六行賈於其旁弗能

到焉其意謂何限此行為何限此行為今茲姪

大美一經遊於四方攀所謂金峯者而稱其登覽之奇不置賦之以示予予於是誓之地圖益識其瓌富峻極也遂無賦

皇盤呂還關係於斯壤者為芳野懷古詩十首

皇盤曾會古行宮探勝神蹤禹穴同躑躅高岡餘落照蜻蛉飛瀑散層空霓裳振袖諸天女道錫懸鐘大嶺翁尚有登仙香輦路淮南彷彿白雲中

當年一害大溪灣獨得源師鐵錫環龍刹猶存洞籠窟鵬雲暫息馱天山朝原樹杪抽塵外遙谷草花異

世間羽客曾違南北亂如今仙道復堪攀

校獵相當漢上林山川繚繞白雲深急難堪避潛龍窟大節誰留猛虎岑瀑咽三船餘感歎櫻空七曲入悲吟為芝蘭育忠臣畹芬馥教人看愴心

芳野振衣千仞上龍門象嶽慘相迎南朝聲色餘花鳥北闕風塵拂月卿祠下浮雲靜姬舞塔天飛雪義經行從來古意為難盡逾今落日增哀情

想像延元艱險棲鑿輿出狩此攀躋金峯霧暗消王氣笙窟風鳴激魅啼斗極曾爭雙日月鼓旗相亂兩

虹蜺行悲遺跡觀陵壑萬樹櫻花路欲迷

風騷吊古幾躊躇南狩雲霞黯不舒花落啼禽逃險

阮樹荒哀獸守蕭疎苔泉自足西行迹蘚嶽誰爭良

筭居只有依然龍虎勢千秋歎息帝王墟

毛褐森森芳野遊崢嶸絕特彩霞流松山茗館開中

路椿谷香臺鎖上頭苦渴縱尋冰雪澗因飢爭避煉

丹丘盤旋百世多陳迹不必明皇幸蜀憂

將星曾落攝兵間遂幸南州不復還塵裡孤忠千古

魄夢中三顧一枝顏宮前歷歷銅花表陵外萋萋塔

尾山芳水東流何所在空教涕淚伴潺湲

嶙峋峯嶽不堪攀自憶南巡供奉班天府金陵非建

業藩籬河內固函關危巖半落兒留道激水中分妹

背山處處櫻花漸欲老杜鵑鳴咽白雲間

地接山形路不平五畿三月賞花行誰知騷客堪催

愆幾箇悲禽欲動情罔象祠頭雲北鬱釋迦巔上日

西傾攀到藏王堂下望廢迹空濛何處明

山居迎故人

孤生曾託白雲中一徑誰知爲爾通莫道豪遊違謝

傅可憐奇愛似支公朝霞開見山頭窟秋露甘來桂
樹叢唯去風音微而已却慙長嘯步兵工

擬李于鱗送趙戶部出守淮陽

楚天遙指紫微郎七澤春煙正渺茫攬轡澄清驚祖
道褰帷瞻望撫淮陽洲邊堪擬雙鸚鵡洛水猶停五
驕驪行矣穎川黃霸匹誰知教化答垂裳

擬梁公實送胡比部文徵之南都

樽前賦咏別同袍從此南都舊彩毫荆豫地依征馬
轉封狐山駐列仙高六朝英物餘丘壑萬里雄風擁

怒號海上煙塵猶未滅何年安卧白雲曹

天目山

四境風塵不可開五州兵馬倒鋒來山河不守藩籬
裡城壘頻傾氛霧隈天目荆榛餘暴虎甲陽鐘鼓駐
奔雷裁甘戰死無遺類先主雄圖悵已哉

春興

雪裡陽春去復來東南風雨五峯隈竹庭彷彿佳賓
集松蓋婆娑白鶴回著屐徐遊銀土壤掉巾連見玉
樓臺寒鄉物色為仙境人日上元復樂哉

寄中元允

白屋春寒未脫裘，自憐多病懶同遊。
仰看冰雪東山色，坐憶風煙北海流。
微草頻年違寤寐，早梅何日慰綢繆。
四旬阮籍傳消息，二十阿戎豈勿酬。

擬唐人朝大明宮呈兩省僚友三首共次韻

盛服要雞假寐長，皇天曙色自穹蒼。
玉階朝露霑黃英，御苑春風育豫章。
雲拂東方鳴諫鼓，日迎西域禦奇香。
共接阿衡陪鼎俎，鹽梅幾箇薦湯王。

右賈至

九重垂曉切，更籌十二遙。
搖玉藻，梳夷狄，我蠻連歲貢。
子男侯伯部，春裘長安日。
映金莖，近興慶，雲添煙閣浮。
世平應陸沈，官殿仙侶登。
降半白頭

右王維

早欲朝天盥漱寒，遙傳玉漏曉雞闌。
皇州曙色開周道，龍闕春光擁漢官。
月落露臺花暗溼，風迴小苑柳看乾。
鳳凰池上簫音發，蕞爾黃鶯百轉難。

右岑參

贈其太夫歸隱嵯峨

司馬當年浴主恩，故人何事厭文園。
敲舟桂水歌明月，吹笛嵐山和夜猿。
黃菊都分金掌露，白雲長映紫微垣。
此行終不同安石，祖道誰成遠志論。

除夜

茅茨剪燭夜相親，風雨明朝幾世新。
天上璣衡看欲轉，祇林鐘鼓一何頻。
大壘漂醴防凜冽，片雪當門掃垢塵。
未辨先非三十度，爐邊自若復迎春。

春興

雨餘春草自微微，四野風回冰雪稀。
烟拂山腰多景

色霞浮江上，溢光暉寸心。
今日魚龍躍，雙眼明朝鴻雁飛。
盛興誰乘陽氣去，遠遊將記史材歸。

須磨覽古

當年失策出神京，十萬諸平據海城。
山麓妖氛帷幙暗，沙場殺氣翠華橫。
管絃嗚咽須磨宴，鳳鷁沈淪浦行。
可怪舊墟千歲後，風波不減怒號聲。

春日山懷古

春日山頭春日懸，城空陳迹幾年遷。
中原逐鹿歸柯手，東海泄鯨橫此邊。
大將旌旗搖伐木，三軍戈戟滿

耕田世家真有如系物千里縮封豨隔天

猿

擬說山中巧捷兒一羣遊歷渡林馳醉顏添白葡萄
熟轉目含光琥珀欺傲技身逢王者怒起愁腸斷將
軍慈懸巖蟠樹高秋月底事臨潭長臂垂

和中子僚憶東都早春朝儀之作

武都城郭映春光阡陌三州鹵簿長朱邸東方山下
照金鋪西內日邊黃周封冠冕分侯伯漢省賢良足
棟梁好是清朝推轂世奇才豈莫侍君王

琵琶湖

歷覽琵琶萬頃秋孤松水閣擢芳洲晴嵐返照磨空
翠落雁歸帆混漢流佳麗原知帝王土詞章堪憶婕
妤樓更疑比竹餘張樂况復諸天鐘磬絲

送凡景茂之羽州

意氣天涯一放歌敝裘孤劍越關河流漸此去歸程
遠別路遙迎寒色多飯嶽風雲驚旅服玉川霜雪少
漁叢山東儻有聞羌笛勿怨他鄉客裡過

浴盤梯山溫泉

黃鶴城邊一大山，盤梯絕特遶人寰。
荆榛路暗無花發，風雨峯高莫鳥還。
忽怪雷霆過麓裡，是當魑魅擅谿間。
溫泉雖有膏枯骨，遺體何如可復攀。

賀勢南鈴汭翁七袞初度

賢翁七十遠相聞，郁郁家聲雅好文。
按匕遂兼陶隱壽，跨鞍寧憶伏波勳。
勢南神境多山藥，越北仙帆贈海雲。
鶴髮追隨能幾會，遙知置酒絕雞羣。

寄田惠卿歸自羽州

故人遊羽賦逾成，歸到探囊出象瀛。
島嶼看分蚶滿

寺雲霞長帶鶴岡城，酒田春雨催縱飲。
熱海溫泉論養生，如此去留真可羨。
天涯况復有逢迎。

題雪竹圖

雪竹新圖顧帝頭，圖成都下掛臺樓。
佳人自擁青琅贈，騷客何憂白璧酬。
風彩嬋娟榮嶰谷，容姿婀娜佇崑丘。
此君非必垣墉裏，亦是亾論駐子猷。

銀閣寺

東山蘭若瑣烟霞，幽徑秋深殘菊花。
鳴鳳遠臨層閣落，潛鱗近樂放池斜。
林丘歷歷仙人窟，雲雨悠悠神

女家薄暮空潭何，所見清機一發使人嗟。

東山送友人之東都

詞客春心自不留，河梁裘馬共悠悠。風前忽恨行塵起，雲際空看遠樹浮。王笥關雎山色曙，金鋪門與日暉侔。王公敬愛知君事，去矣何唯脩禊遊。

天橋立

妙齡歌速作邊愁，路遠江山幾野秋。阪側蒼穹生別界，風微玄澣送孤舟。天橋草樹波間鬱，成相雲烟洞裏浮。日暮從文珠閣去，官津汐捲見城樓。

秋郊閑望

徑細流高，遠樹微山。荒野潤，白雲飛。何來吼狗馳秋色，不斷哀鴻渡落暉。逆旅都過，天地際道遙未試。北南機醜，詩烏問家人，事向夕孤吟。曳杖歸。

次盤齋靜卿贈韻

憶爾東都消息稀，傳書驛使忽敲扉。文盟總爲陽春止，醫業夫經幾歲歸。案上披緘誰共見，燈前把筆獨相依。漢庭還有倉公術，豈莫家鄉著錦衣。

七言排律

和安子融惠韻

鶴雛頻伺小蓬萊，回望復銜芝草來。去住秋闌奇志
 動，翱翔天近好音催。雙雙露眼應掄餌，鬱鬱霜毛未
 染埃。叔夜昂然羣易辨，鮑昭倉卒賦難裁。誰知羽族
 千秋長自擁，仙禽萬里才。羨爾東西南北，翮絲極
 處有良材。

合八首題 有序

以七言排律古今莫有傑作，世無左禮焉。顧非
 憂才之多者，不能盡其善矣。噫予之碌碌烏有

摸其韻格，藉有小善。一薰十蕕，豈勝其臭邪。茲
 合子弟詠四序也。八首之題，為七言排律一篇。
 諸作家謂之杜撰焉。雖然，靡損傳其臭一粲矣。
 其題曰：早春遊望曰鶯囀皇州，曰林亭避暑曰
 夏日山居，曰西宮愁怨曰客中感秋，曰雪後眺
 望曰對雪懷友人。從其丙丁各四句，解一題也。
 春色新迎郊野遊，日邊回望彩霞流。早梅先自南枝
 發，弱柳方霑朝露柔。燕渡重溟依客次，鶯凌連嶺囀
 皇州。呢喃爭似綿蠻穩，節族應知音響周。忽忽光陰

看自去，炎炎盛夏欲何留。林中置酒須忘暑，亭上圍
 棋不識憂誰側。山峯纔結字，更臨谿谷若登樓。白雲
 怡悅親朋外，怪石起居兄弟求。代謝可悲齊素業，變
 衰無那漢篇愁。襲簾風告昭陽曲，傳漏夜深長信恟。
 武帝雄辭懷少壯，季鷹適意感高秋。尊羹遙對難供
 席，鱸膾空思未下鉤。千載曲墳逾益讀，三冬賦詠復
 奚休。凝寒雪質暉江北，消暖庭花滿隴頭。歌頌相分
 梁苑簡，離羣堪憶刻溪舟。雖非乘月尋安道，豈讓交
 情爲子猷。

岱海堂文集初編卷之三

岱海堂文集初編卷之四

越后

市島肅文敬季著

姪處德大美輯校

五言絕句

銀閣寺

京城步出東，銀閣園池美。昔日紫朱榮，秋深存葛藟。

金閣寺

陳迹使人懷，三層金閣寺。空餘鐘磬音，處處丹青墜。

秋海棠

溜邊安地步不與眾花爭
秋露艷然抽紫莖

不作龍城卒何知閨夜長
相看鴻雁夕夢裏幾歸鄉

犬兒

階前銜履戲庭除藉箕眠
自識為家畜微聲夜夜傳

詠冰

此非岳窟中鍾乳晨相怪
白日已玲瓏簷前稍稍解

至黃檗

遂尋黃檗山華制殊佗寺
攀見坐禪堂羣僧過半睡

望海

邊風波浪躍蒼海渺無涯
遙見孤帆色翩如白鷺飛

擬仲滿入唐詠

一官隨幣禮萬里撫刀環
蒼海漫漫月曾看三笠山

詣男山

陵廟漢江湄鳩峯何所處
丹楹霞彩外樹裏玲瓏著

籬菊

五彩東籬菊高秋色轉鮮
可憐陶靖節日暮獨悠然

靜夜思

秋夜對閑庭空林砧杵鳴偶向空林響令起故園情
題南山亭遊仙樓

父母終焉處遙思供養年南山猶自若不得見遊仙
籠禽

簷邊幾籠籠鳥鳥此送春欲訴籠中苦却娛籠外人
河中島懷古二首

三軍猛若虎八陣變猶龍此地餘吟嘯風雲殺氣重
風沙撲旅顏御幣川流泝欲吊昔時人凜然道鬼墓

楠氏墓三首

雖非一繩任天下不堪悲何只生前愛千年墮淚碑
芬芳櫻井驛凜冽湊川流不恨朝論戾只懷身後憂
籌多千早壘百萬服奇兵雖不終功業同傳諸葛名

咏楠正行事二首

夙志唯君父官人不待辭上林桃李色安及故園芝
三千國士恩百戰四條繁數破堂堂陣猶振一死魂

咏楠正儀事

忠烈經三世古今惟慎深已傾天下望時餌一辭侵
美人吹煙

鼻上巫山雲蛾眉照若月美人吹不吞戲作烽燧焯
青樓曲

郎言無外意夜夜盤歡歸他日新粧色恐教前契非

全答

不待郎心變章臺未可知黃金多少客比翼幾天欺

唐碣

卷曲三千尺松圍蔽幾牛唐碣春夜雨可怪大湖秋

東海道

東海如砥道春秋行李饒相逢侯伯子述職幾何朝

題扇畫

一滴陳玄妙猗猗淇奧看是雖搗扇裡自使子猷歡

鬻水漢子

勿謂一錢微一錢飽寒水市中三伏間恰稱醍醐美

瓜

更熟東陵種盤中片片香好供如燬暑撲滅九回腸

家什俊明畫山水平安四先生各題詩余蛇足

其篋

依微山樹卉清麗水樓臺山水知何處觀終絹素開

寒江獨釣

雨雪長江曲釣簑獨不搖朔風凜冽去復罷晚來潮

詠史

江上洗耳叟上流飲牛侶偃蹇天壤間不與堯舜語
同氣如兄弟黃金似礫砂季生窮海內時許一朱家

寄寫真五峯二首

搖落丹青色風雲老五峯自圖丘壑裏不使俗人從
湖中人所稱千雁萬鳧浮莫道難持贈如何絹素求

須磨浦女歌

流謫衣冠客潮潮去又來自攜都雅女不讓國風裁

病間

風邪隨吐汗湯劑渴如泉褥饌鹽魚味几香芳茗烟

詠四靈

春秋絕筆阿嘆息發門歌流水令人獲昇天奈爾何

石假池

庭除石假池中有兩峯奇謂是蓬壺象蓬壺咫尺移

初夏郊行

疎林環水遠處處羽禽多亭午人無在欣然獨嘯歌

步自高原眺菜花滿野黃雲霞天象媚地亦想衣裳
淵邊餘柳蘩決水向南流箕倨齊垂釣不知來者留
茗

一盤含雞舌二三消渴收使蕃昌漢世不作待臣憂

蝦夷

聞說蝦夷島結繩如往時逐魚無土著種落幾遷移

米山

險澀使人遲米山三十里鬻糶辨慶名喋喋慙慙侯

籠田宴涌氏

行行東又北回望敬山山遂與農民會如遊別世間

胡枝花

一叢秋自長婀娜短垣旁花細堪繁葉朝朝匪露霜

聽蟲聲

日月追隨去炎威猶未傾素秋依底識先聽夜蟲聲

和酌姪大美賀予六七初度作二首

灑掃迎親戚慇懃一片心雖無甘膳味祝壽有歌吟
長幼家人禮詩歌互獻觴春天初度會回望轉蒼蒼

天王寺

梵城冠日域，雁塔五層高。靜理何閑寂，苾芻無出曹。

溪魚

山林亭午靜，溪澗寂然澄。曲曲織鱗色，亾論樂斗升。

瓶中燕子花

瓶中三四本，燕子漸開花。如見江妃化，何曾添浣紗。

次中元允茗作韻

怪見蘭陵色，龍團氣別香。雖欺伯倫渴，勿使酒腸荒。

野望

四郊空復濶，秋老草全枯。牽馬翁何速，逐牛童那迂。

界河

遶自百連山，奔流界兩關。愕然人病瘁，于此憶刀環。

妓濱

白日依山照，青松添海多。不堪妓濱麗，船據晚來波。

雪卸

北陰三日雪，比屋百連山。共勸崑崙壁，人民不駐顏。

慈姑

汙瀆無人顧，草深郊徑卑。慈姑花葉擢，潔色為誰宜。

寄不言道人

節目稜稜秀森如百丈松道人終日默須是學猶龍

水仙花

水仙花漸發見愛戶庭間雪裏無塵穢何為屬故山

七言絕句

春興

新加一歲望東方積雪依然古道傍行脚追隨吹尺
八何來春氣滿寒鄉

早送吏人

送人朝出外城湖春老烟波少雁鳧解散天涯行李

恨翩翩總盡別離途

天香廟

羽族嘈嘈楮子邊廟園森烈古山川嵐吹溪響餘音
律不似人間比竹傳

賀茂

從來松柏盡森森御道溪泉佩玉音憶昔齋宮枉鳳
輦一時清調服朝簪

住吉

玲瓏神宇海雲邊萬樹青松華表前勿謂蓬瀛多白

鶴布帆連屬九州船

題市隱齋

一方新店高懸幟，賣藥兼知韓伯志。早晚葡萄市隱，春壺中賓客如泥醉。

和中元允茶花咏次韻

里里歸程白日紅，無邊落木晚來風。茶園如霰花多少，亦似離騷九畹空。

白雪魚

邦俗稱鱈

北海陰風捲雪來，漁舟出沒與潮回。波臣萬萬何為

物，酩酊形容淡泊才

題一禪師隱居

開士隱居風雨多，行雲流水自相過。將迎方外淵明輩，一片禪衣製薜蘿。

俱梨迦羅阪覽古

曾經三越到西京，不動山中按劍行。十萬消菟火牛策，依然大麓陷諸平。

寄米澤侯侍醫飯某

無那相思越羽間，東風不至數連山。遙知春色乘晴

去採藥劉郎獨佇灣

和榮翁鹽灶咏

有客飄然唱國風
森森毛褐稱仙翁
攜來筆彩無邊色
鹽灶波瀾滿眼中

少年行

仙宮不及少年春
玉勒彫鞍幾度新
宅裏有無總不問
章臺一擲舊金銀

全

一辭書劍客天涯
十歲浮沈不返家
縱莫邊功如定

遠猶將大俠壓京華

太郎坊

人身鳥翼太郎坊
距躍飛揚不厭狂
羈馬山中岑寂處
何為栩栩鼻頭長

冬日暮色

成春早晚復成冬
雨雪霏霏望轉慵
樹杪寒鴉啼不歇
門前暮色少人蹤

題日者某

茅廬葺葺不辭貧
卜數誰知舊辟倫
少獲微糈足糊

口生涯自若市中塵

題河伯散某

河伯禁方為爾傳，市人相戲共周旋。醉中將學壺公去，賣歇囊中自莫錢。

題富士西行

芙蓉山下駐西行，囊鉢回頭杖錫橫。組掌蹲身何限意，高吟將與此峯爭。

謁菅祠

皚皚白雪遍春暉，朝謁菅祠肅布衣。犬馬齡長四旬

外于今何幸，二毛稀。

酬元昆金華賀初度作次韻

誕節庭前松竹新，一門風雅四旬春。相逢相樂南山下，剩唱家兄壽福人。

上元

雖無天上羽衣音，下里巴人調不禁。此夜相憐斑白客，琴棋剪燭興逾深。

送水某功曹之關東

仙鳧萬里向東方，關外八州何處翔。屈指堪諧單父

治功曹到日穩高堂

靖節調三首假李白清平調體裁

琴委無絃酒委容田分杭林世榮濃若非周漢明時

見會向三皇已上逢

東籬芳菊露凝香五石丹沙枉斷腸借問淵明誰得

似可憐彭祖之童粧

濁醪黃菊兩相歡坐億親朋帶笑看得賦秋風無限

意南山山北小江干

笠氏圖屏風賦得在五中將東行

金鞍玉勒向東方海道煙波跨驪驪非有羅敷嬌陌
上芙蓉雪色駐仙郎

寄飯信卿二首 鄰有長樂寺

清秋荏苒迫玄冬落木頻聞長樂鐘放曠人間折腰
路時尋惠遠得相逢

鯉魚鴻雁久相違獨坐蕭然對落暉若使丹楓堪蠲

殺小春須不著寒衣

賀姪大美初服見父老會諸友

總角周旋竹馬羣弱冠風度更相聞家庭自擁青葱

樹早晚棟梁第一勳

謝雷兮贈白梅一枝二首

比鄰芬馥一枝梅，臘月寒花冰雪開。
自怪江南千里興隴頭，咫尺促春來。
一室催春臘月梅，枝花互與麴花開。
芳香自得添家釀，必有高陽上客來。

次茂陵翁惠韻二首

舊非山水伯牙琴，何幸鐘家遭稱音。
無那滂沱秋雨裏，鴻書翻落草堂陰。

茂陵風雨一詞雄，慷慨何須塞上翁。
可羨山宮臨市陌，神仙共醉玉壺中。

小督

漢宮秋月戀何人，玉漏沈沈委嬖臣。
駐馬西郊鬢髯聽琴聲，此夜想夫頻。

早春聽平語

年年何事獨長嗟，一曲陽春未得誇。
人世誰無榮耀望，相連瞽者唱平家。

從軍行

一屬嫖姚十出關每逢秋月數垂顏如今將逐單于
走出沒陰山不復還

寧樂

舊臺歌舞舊園春寧樂繁華不絕塵羣鹿何須駐騷
客一簾風雨落花辰

鳴

林陰舊瀆餘梁柱尖喙微禽翮翠羽一擊連漪暫不
休何為添翼雙魚虎

無題

儋石經營謀慮長新憂又發舊憂忘可憐意外盈虛
月不似園林花替香

須磨寺二首

路自播州探勝還林巒岑寂古禪關可憐幼將留金
甲想像當年戰死顏
從來祇樹畫森森為說城頭葉笛音歡樂未終前夜
曲空餘一弄入悲吟

雪夜望漁火

邊風暮激海門潮雨雪霏霏夜寂寥暗望持螯昔遊

處漁燐一點占寒宵

生田社

壽永驅馳一社前
春風二逆鐵連錢
遙知血戰重圍處
龍裡梅花媚遠天

忠度塚

公子英風嚴不競
海天無那華旗映
堪欽戰沒染苔碑
千載空傳花下咏

葆光亭聞笛

吹笛誰家一少郎
葆光亭下駐人行
梅花一曲翩翩

落散作關山月裡霜

伎院蓮

池邊嬌女與蓮齊
金雀追隨羅帶低
香亂晚涼簾外戲
爭令皓腕深污泥

明妃曲

沙場風雨自悲哀
一曲琵琶心欲摧
胡地無知漢宮恨
穹廬到日喚康哉

老俠行

皁鬢鏡中無那白
翩翩壯態總成昔
南郊走馬幾家

郎直憇東鄰朱郭宅

秋風引

長安大道暑威收客裡輕肥誰倦遊賦作鱸魚猶未
憶西風先見落梧秋

從軍行

俠骨由來甘戰功原頭賣勇氣何雄強弓未試單于
首先射賢王碧玉驄

答安子融

園林花鳥未相親風雨蕭條忽送春然諾縱違桃李

宴應期河朔二三賓

今日今宵欲別春空濛板屋雨聲頻休言咫尺如千
里早晚囊螢必有鄰

標有梅

朝朝緩步此徘徊數版橋邊標有梅認得羣兒非陸
橘公然復候晚風來

越道芳碕眺望

越道風雷忽輟鳴芳碕遙帶彩虹晴可憐飛鳥過山
麓出海漁舟慰遠征

明石

海道行程處處同尋常祠宇浦山中宛然明石飛帆
色憶昔仙翁擅國風

石殿

更下山轎遠海邊麓中繚徑閉蒿萊從來石室真天
造萬古藏書不可開

三五七言

今日題友人山居

秋菊闌何處尋舊歡故人繚居在雲端望悠哉氣鬱

山崔嵬若夢彷彿遊天台薜荔門桂叢恠石園異禽
異獸聽無喧自君去歲月莫儔侶嗚呼與誰把袂語

岱海堂文集初編卷之四

益海堂文集附錄卷之四

海邊行

色憶

文

史

述

異

山

山

